

**12. sastanak Parlamentarnog foruma
za evropske integracije Bosne i Hercegovine**

3. juni 2021. godine, Skupština Brčko distrikta

ZAJEDNIČKA IZJAVA

Nakon završetka 12. sastanka Parlamentarnog foruma za evropske integracije Bosne i Hercegovine, a u skladu sa članom 5. Poslovnika Parlamentarnog foruma, članovi rukovodstva Parlamentarnog foruma:

1. ponavljaju poziv na daljnje intenziviranje aktivnosti nadležnih institucija u Bosni i Hercegovini kako bi što prije provele 14 prioriteta iz Mišljenja Evropske komisije o kandidaturi Bosne i Hercegovine za članstvo u Evropskoj uniji, kao uslov za sticanje statusa kandidata.
2. pozdravljaju i uvažavaju napore preduzete u pripremi Programa integracije Bosne i Hercegovine u Evropsku uniju. Naglašavajući da donošenje programa za usvajanje pravne stečevine EU nije samo jedan od 14 prioriteta, već i pravna obaveza prema Sporazumu o stabilizaciji i pridruživanju, te je od ključne važnosti za planiranje i usmjeravanje procesa približavanja zakonodavstva EU u cijeloj zemlji, pozivaju sve sudionike da se uključe u punom kapacitetu u proces razrade i ubrzaju ga.
3. pozdravljaju pripreme za održavanje sastanka Parlamentarnog odbora za stabilizaciju i pridruživanje i izražavaju jednoglasnu podršku pravilnom funkcioniranju parlamentarne dimenzije Sporazuma o stabilizaciji i pridruživanju, pozivajući na kontinuiran parlamentarni dijalog sa Evropskim Parlamentom.
4. svjesni obaveza koje su parlamenti u BiH preuzeli kada su u okviru svojih procedura donijeli „Plan prioriteta za parlamente BiH za ubrzanje procesa evropskih integracija“ koji je pripremljen u okviru Twinning projekta, oni izražavaju posvećenost poduzimanju mjera za provedbu zadataka koji spadaju u nadležnosti komisija koje se bave evropskim integracijama.